

遁甲演義

卷之四

欽定四庫全書

遁甲演義卷三

九星所屬

明程道生撰

大益樞京天輔武曲紀星

執慶剛昱天禽廉貞網星

總網星連住總承符元天心文曲紐星

凝華好化天衝破軍關星

英明集華天任星

陰襲大衍天蓬隱光右星

陽珠學慶天芮洞明左輔星

照中勳今天英貪狼太星

通玄須變天柱祿貞星星

三元經曰輔禽心星為上吉衝任次吉理須明大凶天
蓬與天為小凶天柱及天英更論五行旺相氣吉凶輕
重自然分大凶旺相凶却小小凶旺相號中平吉星旺
相吉無比若還無氣也中平 凡吉宿亦要遇旺相若
遇休囚廢沒亦不可用經曰若上吉次吉星無旺氣則
中平乘旺相氣則大吉乘死休囚廢則為凶以意審用
之九星休旺者謂九星各旺于同類月相于我生月休

于生我月囚於官鬼月死于妻財月日時同

五行旺相休囚

木 旺東相北休南囚西 火 旺南相東休西囚北

金 旺西相南休北囚東 水 旺北相西休東囚南

土 旺於四維辰戌丑未無所不用也

九星旺相休囚 旺 相 廢 休 囚

天蓬水星

亥子月寅卯月申酉月巳午月
辰戌 丑未 月

天任為土禽

辰戌 丑未 月申酉月巳午月亥子月寅卯月

天衝輔木星 寅卯月巳午月亥子月辰戌 丑未月申酉月辰戌

天英火星 巳午月辰戌 丑未月寅卯月申酉月亥子月

天柱金星 申酉月亥子月辰戌 丑未月寅卯月巳午月

天蓬字子禽宜安撫邊境修築城池春夏將兵大勝秋冬

凶亡其士卒利主不利客嫁娶兩凶移徙失火鬪爭

見血光入宮火盜賊修營宮室商賈皆凶

訟庭爭競遇天蓬 勝捷威靈萬里同 春夏用之皆大吉

秋冬用此最為凶 嫁娶遠行應小利 葬埋修造亦閒空

須得生門同丙乙 同之萬事得昌榮

天為字子成宜崇尚道德交結朋儕受業師長吉不可
用兵嫁娶爭訟移徙築室秋冬吉春夏凶

受道交結宜為星 行方直此最難明 出行用事宜先退

修造安墳發禍刑 盜賊憂惶驚小口 更宜因事橫官非

縱得奇門從此宿 求其吉事也虛名

天冲字子翹宜出報仇春夏兵將勝秋冬無功不宜嫁

娶移徙入官築室祠祀市賈

嫁娶安營產女驚

出行移徙遇遭逆

修造埋葬皆不利

萬般作事且逡巡

天輔字子卿宜蘊身守道設教修理將兵春夏勝得托

地千里嫁娶多子孫利移徙入市入官修營春夏有喜

天輔之星遠行良

葬埋起造福添長

上官移徙皆吉利

喜溢人財萬事昌

天禽字子公宜祭祀求福斷絕羣凶將兵四時吉百福

助之不戰用謀敵人畏服賞功封爵移徙入官祠祀

商賈嫁娶吉

天禽遠行偏宜利 坐賈行商皆稱意 投謁貴人兩益懷

更兼造葬皆豐遂

天心字子襄宜療病合藥將兵秋冬勝得地千里春夏
不利嫁娶入官築室祠祀商賈秋冬吉春夏凶利見
君子不利小人

求仙合藥見天心 商途旅福又還新 又將遷葬皆宜利

萬事逢之福祿深

天柱字子中宜速兵自固隱跡將兵車傷卒死不宜移

徙入官市賈宜嫁娶修造祭祀

天柱藏形謹守直 不須遠出及營為 萬種所謀皆利益

遠行從去見災危

天任字子韋宜請謁通財將兵四時吉萬神助之敵人

自降嫁娶多子孫入官吉移徙築室凶

天任吉宿事皆通 祭祀求官嫁娶同 斷滅羣凶移徙事

商賈造葬喜重重

天英字子威宜出入遠行飲宴作樂利不宜嫁娶出兵移徙入官築室祠祀商賈

天英之星嫁娶凶 遠行移徙不宜逢 上官文武皆宜去

商賈求財總是空

天輔之時

三元經曰天輔之時有罪無疑斧鑕在前天猶赦之
此時有罪皆能自釋

甲巳之日巳巳時 乙庚之日甲申時 丙辛之日甲午時

丁壬之日甲辰時 戊癸之日甲寅時 是天輔之時也

遁甲利客

經曰天盤星尅地盤星在四時旺相日時有本方五色雲氣在其方來助則客勝也地盤星尅天盤星在四時旺相日時有各方五色雲氣在其方來助則主勝也

天蓬加九宮利為客若在秋冬之月壬癸亥子日臨戰有黑色雲氣從北方來助戰客大勝

天柱天心加三宮四宮利以為客若在秋月及季夏
之月庚申辛酉日臨戰有白氣雲色從西方來助戰
大勝

天任天禽天芮加一宮利以為客若在四季月戊己
辰戌丑未日有黃雲氣從東北來助戰客大勝

天英加七宮利以為客若在春夏月丙丁巳午日有
赤雲氣從南方來助戰者客勝

遁甲利主

天英加一宮利以為主加秋冬月壬癸亥子日有黑雲從正北來助戰者主大勝

天任天禽天芮臨三宮四宮利以為主如冬夏之月甲乙寅卯日青雲從東南正東來助戰主大勝

天蓬加八宮利以為主如在四季月戊己辰戌丑未日有黃雲從東北西南來助戰者主勝

天輔天衝加六宮七宮利以為主如在季夏及秋月庚申辛酉日有白雲氣自正西及西北來助戰者主

勝

天柱天心加九宮利以為主如在春夏月丙丁巳午
日有赤雲氣從正南來助戰主大勝

九星子時尅應

天蓬值子多不利入宅安墳上官下穴主有口舌爭
訟作用之時有雞鳴犬吠宿鳥鬧林或鳥北方爭鬪
而飛造葬後主有缺唇人至六十日應雞生肉卵有
官訟至主退財

天為值子時秋冬用之吉春夏凶不可用作用之時
主有走禽驚西南火光二人相逐為應造葬後主有
猫兒顛天傷人公事發六十日內有女人自縊事秋
冬作用當進羽音人田地及妻女

天衝值子時主有大風雨至仙禽噪鐘鳴為應造葬
後六十日有生氣物入屋周年田蠶倍收更防新婦
產死吉因口舌得財

天輔值子時若反吟主天中有物衣明西方有人穿

紅白衣人前來大叫為應造葬後六十日進商音人
物產野猿猴入屋甑鳴時主加官進祿生貴子若門
奇並到有十二年大旺

天禽值子時主有懷孕女人來及紫衣至為應造葬
後六十日鷄上籬犬銜花儒人送物至為應主因武
得官進田土財物廿年後財谷大旺人丁千口
天心值子時主有人爭鬪鼓聲從西北為應造葬後
百日內赤面人作牙進商音人古器及畫軸家内生